

光緒丁酉重修

趙州志

板存州署

重修趙州志序

郡有專志始於宋而異域  
諸郡其志多成於宋後蓋  
誌其事所以為出治之原又  
况存文獻示勸懲上備輜軒  
之採下為考鏡之資皆於

志是賴乎趙郡古棘蒲地  
稱雄河朔星軺羽檄旁午  
衝途而山川所鍾毓名賢  
輩出國士挺生漢唐以來  
史不絕書至我

朝以畿輔近地霑濡

聖化尤溥風氣人文蒸蒸日上惟  
郡志纂述久時康熙間郡  
守祝公重修後已二百餘年  
閱時既久搜訪倍難而舊  
志殘缺因循失墜迨後人  
則尤難也曩者孟柳橋別

駕博學能文銳志纂修  
稿具大半未及竟而卒  
迄今又歷二紀此稿亦將  
散佚矣歲在甲午傳棧承  
乏此郡詢之慨然即有志  
續纂亟求孟稿付之鈔胥

顧念趙自涇兵燹後衙署無  
存僦屋治事不可為常爰商  
諸僚佐紳耆申請 大憲  
先建衙署越一載餘修築  
完具迺從事於斯役遂  
進郡紳文學闕館簪筆

出孟稿相示俾與舊志參  
酌缺者補之繁者芟之訛  
者訂之歧異者攷核之復  
廣為採訪續加編輯自奉  
年二月開局至歲杪歲事  
為卷五十六附以屬邑八

卷網舉目張條分縷析體  
例遵舊志畧加變通紀述  
踵孟稿詳為補葺庶幾  
信今而傳後標往而鏡來  
雖不敢謂燦然明備而於  
國典政事之大民俗物土

之宜亦未必無小補焉此  
則二百餘年缺修之舉  
不敢迂視緩圖再貽後人  
以難而亟之為之纂輯此也  
是為序

光緒二十有三年歲次丁酉冬  
十二月

欽加三品銜知趙州直隸州事

淮南孫傳祜撰



舊志蔡序

趙於古爲列國處燕齊韓魏之間謀臣良將車賦材官實相雄長歷代侯王起事建功並馳爭逐故遺風往蹟多有存者惜興廢無時宋元以上載籍不可復覩矣宏治癸丑前知州事張清嘗彙編之而不及六邑正德初知州程遵乃以六邑事總編之而各爲一卷雖繁簡不同要皆有志好古者也今相去六十餘年使無以續述則懼時事之或泯也昭不自揣每於政暇漸次採輯更得柏鄉馮子時化魏子謙搆以其所藏集來相質正遂合六邑會約成書爲目凡七爲卷凡十庶幾少繼張程二公之志以存古之懿

趙州志

卷

原序

一

範云爾隆慶元年冬十一月朔雲間蔡懋昭識

祝序

古自典墳以來卽備九邱之文禹貢周官載壤賦物產戶口山川甚詳蕭鄴侯從漢高入咸陽收秦府庫圖籍具知天下阨塞戶口多寡之數班史以後各有輿圖志迨明有一統志統貫遠邇包舉政教通志之作由來久矣社自今上御極三年蒙

恩寵先蔭謬領大郡涖官之始如入晦室思有關政教風紀者宜莫如志取州志讀之自明隆慶以來上下幾百年闕焉未備思欲補訂殘缺修明故典以佐

聖天子文治之盛第自慙謏陋且簿書鞅掌日督耕課稼於棘山浹水間有志未逮

皇上納閣臣言

詔修大清一統志直省郡邑各選名儒耆舊纂輯成書雖一時之盛舉實千秋之憲典也社不禁拜手颺言曰是固

聖天子文治之盛矣復恐謏陋之質不足成全書因訪州廣文閭進士王及州諸紳士同志者共襄厥事設局具供無間朝昏自壬子秋杪至癸丑夏初六越月而始脫草如畫界以明提封則疆圉山川險易必詳也營建以表國體則官舍學校興革必紀也田賦以養民生則戶口必清賦調必釐也祠祀以敬鬼神則正祀必登淫祀必汰也至官

師膺教養之任而非如唐韋景駿明何濬功德及民者不以錄矣人物寓彰瘴之權而非如廉藺荀毛風節遐舉者不以彰矣若夫風俗關禮教而時奢時儉之必察藝文徵事實而爲古爲今之必備雜考備徵據而片言細行之必收屬邑寓統轄而官師人物之必載爲綱者十爲目者五十有二在前朝者或博覽古籍或採取泐石正誤辨僞其難其慎已在近代者或薦紳先生之公議或田夫牧豎之傳聞有疑必闕凡確務揚不敢過爲誇詡亦不敢輕爲淹沒令觀者可感可興可歌可泣於以興政教而厚風俗未必無小補耳如謂修補殘缺粲然明備以佐

趙州志

卷

原序

三

聖天子文治之盛仍謙讓未遑也

康熙十有二年歲在癸丑四月知趙州事營州祝萬祉序

閭序

王子春杪 州守祝遵修通志之

旨修趙志越癸丑夏初志成趙於是乎有志前此趙無志乎明隆慶以前有志隆慶以後無志也夫志則何可無耶禹貢一書爲志權輿後有作者周禮之職方漢史之地里志是也後代因之若郡若邑皆有紀載命之曰志然則志也者詎止絢華鏤彩以爲具文已乎良以憲古準今宜民敷治政事之因革利害之興除皆於志是賴昔人謂志爲經之裔而史之翼以其所關者重也今也取百年之廢墜而興舉於一旦其間疆域之沿革風俗之純澆田賦戶口趙州志

卷

原序

四

之益損官師人物之繼起藝文雜考之續增屬邑雖仍舊而汰乎繁以就簡祠祀以敬神而黜其淫以崇正一開卷而粲然明備皎若列眉無復致嘆於殘闕論謬也者煌煌乎鉅典也哉然非 州守祝公不以旦夕擢去爲意而毅然成此抑非郡紳王公不以需次待銓爲意而相與毅然詔修通志之時將奚所採擇以襄

聖朝之文治歟是趙志之成不第有功於一時有功於一方已也齡固陋亦惟二三士子共矢公慎之心間有稽核

參訂焉殊以未贊一詞是愧復承徵序不敢以不文辭而質言之如此顧此不文之言而附志以傳則又滋愧矣

皆

康熙十二年歲次癸丑夏四月之望署趙州學正舉人間

永齡撰

趙州志

卷

原序

五

王序

郡邑之有志猶列國之有史也考古鏡今有所慕而爲之有所懼而不爲人心勵而風俗純所關不綦重歟趙自國朝定鼎三十年來政教風俗大復古制蓋在

畿輔內漸摩於治化者素矣使郡乘未備文獻無徵曷以彰往詔來俾人勸與懲戒孜孜然勇於爲善而無爲不善哉考稽郡乘始明宏治中知州張公迨正德初知州程公隆慶初知州蔡公相繼修輯自是之後上下百餘年無續補者

國初學博李公京毅然具釐定志

懿

與來安令楊子宗昌

趙州志

卷

原序

六

柳城令翟子廉方諸生時分曹類纂成十之二李尋遷去藁亦散逸無復存已今

聖天子雅意右文

詔修一統鴻書令直省郡邑各修通志以備採錄誠曠典也當事者知懿嘗從事因命纂修竊思史有三長有五難百年內政事之因革人物之賢否以至戶口田賦藝文一一徵文考獻準諸史筆勒成全書加以姿賦媿陋良屬不易然學者謂世以代殊政由俗革前代之舊籍旣失

本朝之成憲不彰使典章文物漸滅無餘雖長吏之責亦非所望於學士大夫也不得已勉事鉛槧矢公矢慎日與

郡守祝公一學博閻公搜遺編谷掌故每遇疑義輒相發明或有闕畧共爲考鏡猶子基宏亦操觚珥筆編摩校讐相與補殘缺除煩冗可者因之否者革之而且不敢摘人之瑕不敢市已之恩有善可取者雖小必備有疑宜闕者雖大不登甯失之嚴勿失之濫期有關風俗有裨政教有當人心使勸善懲惡勃然興起者此物此志耳是編也凡拮据越數月自冬抵夏乃克脫藁亦庶幾少孫補綴之遺若曰取百年之政事而進退之取百年之人物而臧否之取百年之戶口田賦藝文之屬而修明之以自附於作者之林而上擬於張程蔡三君子則又豈敢

趙州志

卷

原序

七

康熙十二年歲在癸丑四月望日

賜同進士出身郡人王懿撰

趙州志原修姓氏

明

宏治六年癸丑創修

趙州知州張清婺源人

正德初年重修

趙州知州程遵蘇州人

隆慶元年丁卯重修

趙州知州蔡懋昭上海人

國朝

康熙十二年癸丑重修

趙州志

卷一

姓氏

一

趙州知州祝萬祉遼東人

署趙州學正閻永齡滑縣人

進士王懿郡人

生員王基宏郡人

直隸趙州志重修姓氏 光緒丁酉年

總纂

趙州直隸州知州孫傳栻

提調

即用知縣前署安平縣知縣己丑科進士陳慶彬

參閱

趙州州判吳作舟

儒學學正聯啟

訓導馬志侃

現任山西河津縣知縣甲戌科進士郡人張駒賢

趙州志 卷

姓氏

二

校梓

趙州吏目陳瑛

分纂 以下俱本州人

甲子科舉人奉天康平縣訓導王景美

乙酉科舉人候選教諭李景侗

丁卯科舉人張昆

歲貢生候選訓導邢聚星

生員趙熾

校對

乙酉科拔貢候選復設教諭李元凱

丁酉科拔貢生卜麟祥

經理局務兼收掌

乙亥科武舉兵部差官都守兼用 牛斌魁

鴻臚寺序班文生 朱錦雲

採訪

廩貢生前清苑縣訓導卜經邦

乙酉科副榜候選訓導李慶宇

歲貢生候選訓導王官慶

恩貢生候選教諭蘇彬

歲貢 生魏鳳文

趙州志 卷

姓氏

三

生 員翟潤之

生 員趙如琛

五品銜附貢 生孟春華

廩 生李林瑞

廩 生邢桂星

廩 生宋國彥

廩 生張昶齡

廩 生王裕德

廩 生趙鑑衡

生 員張松齡

生

員張如鑑

生

員梁學易

廩

生于朝漢

生

員賈榮蔭

生

員李漢霄

生

員亢得温

生

員李恆泰

生

員李榮光

廩

生柳琳

生

員鄭治平

趙州志

卷

姓氏

四

生

員鄭毓瑛

膳錄

生

員張鳳鳴

生

員屈同順

生

員朱振鐸

生

員李成春

繪事

九

品

銜趙鵬翎